

## **Apgvaizdiejēms**

Laukē siautie žēidū dolkieliu pūgas,  
Pru miediū nematuomas akis sunkas sola.  
Kažkor ož klaidē opēs vingē karklūs  
Tebšied pasēkavuojusi ēšdīkusi vaikīstē.

Nuors metā kaulus droskuom sorakēna  
Ē šērdēs, dosdama līg arklīs novarīts,  
Vuos bespie ēš paskuos monēi biegtē,  
Pavasariou tebnuorio pasakītē LABAS!

Rodēni ē žēima kontrē ēškēntiejēs,  
Gali tēkietēis dongēškas maluonēs –  
Ontra karta i tou pati vondini ēbrēstē,  
Palakstītē so šelmēs aitvarās paviejou.

Ka pelēnās nevērstom parītiū svajuonēs,  
Nenomuok i saulēs šīpsni atbola ronka,  
Ēšteisink kaktuos rokšlas, prēmerk akis  
Ēr garsē pasakīk pavasariou: apsēkabinkiau.